

# ጳጳርሳ ፃፊዳ ናምዓንሉ ኪታ ጊዳ ቆፋ

ሃዋሪ ጳጳርሳ ናምዓንሉ ኪታ ፃፊዳይ ዲማ ዲማሶን ዲዛ ቤኒ እማኒዛ አሳሳ። ሄ ኢዛ ኪታሰ አይፌ የጋይ ዋርዶ አሰታማሬታ ኢታ ኦሎኔ ሄ ኢሰታ ተሚርቴ ጌዶን ዪዳ ባላ ዴጋ አሳይ አጋና ማላ። ሄ ዋዴ ሜዴቲዳ ሜቶታ ቢርሻናሰ ዳንዳያናይ ዬሱሰ ኪርሰቶሳ ካሴ ባ አይፌራ ቤዪዳይታኔ ኢዚ ታማርሲሺን ባ ሃይላን ሲዪዳ አሳቲ እሚዳ ተሚርቴ ባጋራ ያሳ ጊሺኔ ጎዳ ዬሱሰ ኪርሰቶሳ ጊሽ ቱማ ኤራቴሰ ዴሜቶ። ፃፊዚ ሃራፔካ ሎዴላ ናጌቲዳይ “ኪርሰቶሲ ሃ ሲሚ ዬና” ጊዛ ዋርዶ ተሚርቴ ጊሻሳ። ኢዚ ሄሳ ጊሽ የቲሼ “ኪርሰቶሲ ኤሌሊ ሲሚ የንታ ማላ ኢዛ ዲጊዛይ አሲ ዉሪካ ባ ናጋራፔ ሲሚዲ አታና ማላፔ አቲን ኦኒካ ጳያና ማላ ኮዮንታ ጊሻሳ” ጌሰ።

ሃ ማፃፋይ ኦይኪዳ ኩሜላ ቆፋ  
ጌሎሶ 1:1-2  
እማኒዛይታ ፃይጌቴሰ 1:3-21  
ዋርዶ አሰታማሬታ 2:1-22  
ኪርሰቶሳሰ ናምዓንሉ ዩሳ 3:1-18

1 ዬሱሰ ኪርሰቶሳ አሳንቻኔ ኢዛን ሃዋሪ ሲሞና ጳጳርሳፔ፣ ኑ ጎዳፔኔ ኑ ጳሌ ዬሱሰ ኪርሰቶሳፔ ቤቲዳ ሂሎቴላ ባጋራ ኑ ዴሚዳ እማኖ ማላ ቦንቼቲዳ እማኖ ዴሚዳይቶ! 2 ያሳኔ ኑ ጎዳ ዬሱሳ ኤሮን ኪያቴሊኔ ሳሮይ አንቴሰ ጊዶ።

### ያሳን ፃይጌቴ ኢዛን ዶሬቴሰ

3 ባ ቦንቻኒኔ ባ ኪያቴላን ኑና ፃይጊዳይሳ ኑኒ ኢዛ ኤሪዳ ጊሽ ኢዛ ያሳቴላ ዋልቃይ ዴያሲኔ ያሴ ጎይናናሰ ኑሰ ኮሺዛዝ ዉርሲ አሚዴሰ። 4 ባ ቦንቻኒኔ ባ ኪያቴላን ቦንቻ ዋጋይ ዲዛይሳኔ ከሄ ጊታ ጊዲዳ ኢዛ ሂዶታ ኑኒ ዴሚዶሰ። ሄይታንታ ባጋራ አንቴ ኢታ አሞ ጋሶን ሃይሳ ሃ አላሜዛን ዲዛ ጳዮፔ ኬሲ ኤቢዲ ያሳቴላ ሃኖዛፔ ኢዛራ ጊሹቲዛዴንታ ጊዲዴታ።

5 ሄሳ ጌዶን ሃይሳፊ ካሊዛ ሚሻቲ አንቴሰ ጉጁታና ማላ አኔ ሚኒቴ። አማኖ ቦላ ኪያቴሰ፣ ኪያቴላ ቦላ ኤራቴሰ፤ 6 ኤራቴላ

ቦላ ባና ሃሮ ባና ሃሮ ቦላ ዳንዳያን ሚኔቴል፤ ዳንዳያን ሚኔቴላ ቦላ ያሴ ጎይኖ፣ 7 ያሴ ጎይኖ ቦላ ኢሻንታ ደሴቴል። ኢሻንታ ደሴቴላ ቦላ ሲቆ ጉጂቴ። 8 ሃይቲ ኢንቴሰ ዳሪ ዲዛዝ ገዲኮ ሄይቲ ኢንቴና ኢንቴ ጎዳ ዩሱሰ ኪርሰቶሳ ኤሮን ጎዳይኔ አይፊይ ባይንዳይታ ገደንታ ማላ ናጋና። 9 ሃይቲ ሃ ሚሻቲ ባይንዳ አሲ ገዲኮ ሃሆን ዲዛ ሚሽ ዳሞንታ ቆቄ አሳ ማላ። ሄሳይይ ካሴ አጲዳ ባ ናጋራፔ ጌይዳይሳካ ባሌቲዳሰ።

10 ታ ኢሻቶ! ሄሳ ገሽ ኢንቴ ዪይጌቲዳይሳኔ ደሬቲዳይሳ ሻኪ ኤራናሰ ከሄ አሞቲዛይታ ገዲቴ። ኢንቴ ሄሳሶ ኦሊኮ ሙሊካ ቆጶቴኬታ። 11 ኢንቴ ሄሳሶ ሃኒኮ ማርናፔ ማርናሰ ዲዛ ኑ ጎዳ ዩሱሰ ኪርሰቶሳ ካዎቴላን ጌላናሰ ኢንቴሰ ኩሜላ ማታይ ኢሜታና።

12 ኢንቴ ሃይታ ሃ ዮጋታ ኤሪዲኔ ሄ ኢንቴ ኤሪዳ ቱማን ሚኒ ዳዒኮካ ሄይታ ታኒ ኢንቴና ቆፊሳናፔ ጉዬ ጊኬ። 13 ታኒ ፓፃ ዲዛ ዎዴ ኡባን ኢንቴና ኡባ ዎዴ ዳንፊላናይሲ ቤሲዛዝ ሚሳቲዲ ታሰ ቤቴሰ። 14 ኑ ጎዳ ዩሱሰ ኪርሰቶሲ ታሰ ቆንጨሲዳ ማላ ታኒ ሃይሳ አላሚዛፔ ኤሌላዳ ሃይቃናይሳ ታ ኤራይሰ። 15 ታኒ ሃዒ ሚኔቲዛይ ታ ሃይቃዳ ኢንቴፊ ሻኬቲዳፔ ጉዬ ኢንቴ ሃይታ ሃ ዮጋታ ኡባ ዎዴ ቆፓና ማላሳ።

**ኪርሰቶሳ ቦንቾ ባ አይፊን ቤዪዳ ማርካታ**

16 ጎዳ ዩሱሰ ኪርሰቶሳ ዎልቃፊ ኢዛሰ ዩሳ ገሽ ኑ ኢንቴሰ ዮቲዳ ዎዴ ኑኒ ኑ አይፊራ ኢዛ ቦንቾዛ ቤዪዲ ማርካቶሰ አቲን አሲ ጮ ማላ ማጲ ኤከዲ ጌኔ ሃሳዪዛ ሃይሲዔ ማላ ገዳና።

17 “ታኒ ኢዛን ኡፋዬቲዛዳይ ታ ደሲዛ ታ ናዚ ሃይሳ” ጊዛ ቃላ ገሪሳይ ገታ ቦንቾራ ኢዛሰ ዪዳ ዎዴ ኢዚ ያሳ አዎፔ ቦንቾኔ ገታቴላ ኤኪዳሰ። 18 ኑኒ ኢዛራ አንጃቲዳ ዙማ ቦላ ዲሼ ሃይሳ ሃ ሳሎፔ ዪዳ ገሪሳ ኑኒ ኑ ሃይላን ሲዪደሰ። \*

19 ሄሲ ዉሪካ ካሴ ናቤቲ ዮቲዳይሲ ቱሙ ገዲዳይሳ ሎዔል ቆንጨሴሰ። ሄሳ ገሽ ኢንቴ ቆማሶን ጆሞፔሰ ሎዔል ናጌቲዛይሳ ማላ ካሴ ናቤቲ ዮቲዳይሳ ሎዔል ናጌቲቴ። ኢንቴ ሄሳሶ ኦላናይ ጋይይ ዎንታናሰ፣ ባዘይ ዞዓና ጋካናሰኔ ዎንቶ ማላ ያለንቴዚ ኢንቴ ዎዝናን ፖዓና ጋካናሳ። 20 ኢንቴ ሃራፔ አሊ ቆፓናሰ ቤሲዛይ ጌሻ ማፃፋን ዲዛ ቲንቢቲ ቃላን ዮቲቲዳ አይ ሚሸካ ኦኒካ ባሰ ሚሳቲዳ ማላ ቢርሻናሰ ቤሴና። 21 አይ ቲንቢቲይካ አሳ ሼኔ

\* 1:18 ማቶሆሳ 17:1-5፤ ማር 9:2-7

ማላ ሙሉካ ዩቤና። ጊዶ ኣቲን ቲንቢቲይ ወሪካ ሂሎ ኣያናይ ካሌሊን ኢዛ ካሊዳ ኣሳቲ ያሳፊ ኤኪዲ ዮቲዳዛ።

## 2

### ዎርዶ ኣስታማራታ

1 ጊዶ ኣቲን ቤኒ ዎዶ ዎርዶ ናቤቲ ዳሬዛ ጊዶን ዲዛይሳ ማላ ሄሳሶካ ሃዒ ኢንቲ ጊዶን ዎርዶ ኣስታማራቲ ዳዓንዳቲስ። ሄይታንቲ ኣሳ ጳይሲዛ ዎርዶ ቲሚርቲ ቆታራ ዲጫና ማላ ኦሌቲስ። ባና ኣሺዳ ጎዳካ ካዲዲ ባና ኤሶን ጳይሲዛዝ ባ ቦላ ኤሄቲስ። 2 ሄሳ ጌዶን ዳር ኣሳይ ዩላቸዛ ኢስታ ኦጌዛ ካሌስ። ሄ ኢስታ ኦሶዛ ጌዶን ቲማ ኦጌይ ጫዬቲስ። 3 ሄይቲ ዎርዶ ኣስታማራቲ ሚሻሰ ጋጲጋጲዛ ጊሽ ባርካ ሜጲ ኤኪዳ ዮፆ ዮቲ ዮቲዲ ኢንቲስ ዲዛዝ ባሰ ቦንቁ ኤኬቲስ። ቤኒ ቤኒ ዎዶሶፔ ፐርዳይ ኢስታስ ጊጌቲ ኡቲዳስ። ኣዳፊ ኢስታ ጳዮይ ናጌስ።

4 ሃራይ ኣቶ ሺን ናጋራ ኦሌዳ ኪታንቻታስ ያሲ ሚሽቶንታ ኢስቲ ጨማ ጊዲዳ ጳማ ኦላ ጊዶን ዳዒዲ ፐርዳ ጋላስ ጋካናስ ናጌታና ማላ ጌዳ ጋናሜን ዩጊዳስ። 5 ሄሳሶካ ሂሎቲሳ ጊሽ ሳባኬ ጊዲዳ ዮሄ ሃንኮ ላፑን ኣሳታራ ኣሺዲ ያሳሰ ጎይኖንታ ኣሳቲ ዲዛ ኣላሜዛ ቦላ ጳይሲዛ ሃሌ ኤሂሼ ቃዴቲዲ ካሴ ሄ ዎዶ ኣላሜዛ ማሪቤና። \* 6 ቃሴካ ያሴ ጎይኖንታይታ ቃዳያናስ ኡባሰ ሌሚሶ ጊዳና ማላ ሶዶሜይኔ ጋሞራ ካታማቲ ቢዲንሳ ጊዳና ጋካናሲኔ ፀጌቲ ጳያና ጋካናስ ኢስታ ቦላ ፐርዲዳስ። \*

7 ዎጋይ ባይንዳ ዩላቸዛ ኦሶ ኦሌዛ ኣሳታ ኦሶን ኡባ ዎዶ ሶዑ ጊሼ ዲዛ ሂሎ ሎዳ ጊዲኮ ኣሺ ኤኪዳስ። \* 8 ሄ ሂሎ ኣዳዚ ኢስታ ጊዶን ዲሺን ጋላስ ጋላስ ኢዚ ቤዩዛይሳኒኔ ሲዩዛይሳን ሄ ዎጋይ ባይንዳ ኣሳታ ኦሶዛን ኢዛ ሽሞፖያ ዎዶታዲስ። 9 ሂሰቲን ሄሲ ወሪካ ሄሳ ማላ ጊዲኮ ጎዳይ ባሰ ጎይኒሼ ዲዛ ኣሳታ ፓጩፔ ኣሻናይሳኒ ናጋራንቻታካ ዎሰቲ ቃዳያናኮንካ ፐርዳ ጋላሳሰ ዎሰቲ ኢስታ ናጊዲ ጋላናኮን ሄሳ ኢዚ ኤሬስ ጉሳ።

10 ሃራፔካ ሄይቲ ቱና ጊዲዳ ባ ኣሾ ኣሞ ካሊዛይታኔ ያሳ ጎዳቲሳ ካጲዛይታ ፐርዳ ጋላሳሰ ናጊ ዎሌዳስ። ሄይቲ ዎርዶ ኣስታማራቲ ኢስቲ ያላታኔ ኦቶራንቻታ ጊዲዳ ጊሽ ሳሎ ቦላ ኢስታስ ጎዳቲሳ ዲዛይታ ጫዩሼ ባቤቲና። 11 ኪታንቻቲ ኢስታፊ

\* 2:5 ሜ.ጲ 6:1-7:24      \* 2:6 ሜ.ጲ 19:24      \* 2:7 ሜ.ጲ 19:1-16

ቦላራ ዋልቃይኔ ጎዳቲሊ ዲዛይታ ጊዲኮካ ጎዳ ሲንፋን ኢስታ ቦላ ካጄ ቃላ ኬሲ ሞቲቲና።

12 ሄይቲ ዋርዶ ኣስታማሬቲ ቃስ ባስ ኤሬቶንታ ኢዲዳ ሚሽ ወርሲ ጫሺ ጫዬቴሰ። ሄይታንቲ ናርፃን ኦይኬታናሲኔ ሃይቃናስ ዬሌቲዳ። ጮ ማላ ባ ሹኔን ዲዛይታኔ ቆፋይ ባይንዳ ደዓታ ማላ። ደዓቲ ጮ ማላ ቆይዛይሳሶ ኢስቲካ ሙሌራ ቆይና። 13 ቆሆ ኦሶ ኦሊዳ ጊሽ ኢስቲ ሙሌራ ባ ኦሶ ዋጋ ኤካና። ኢስታ ኡፋይሲ ሴታ ጋላስ ማሶቲሊኔ ዋጋይ ባይንዳ ቡራቆ። ኢስቲ ሄሳ ማላ ዋጋይ ባይንዳ ጉፋን ኢንቴናራ ኢሲፌ ጃይጌቲዛ ዋዳ ኣስ ባሌሊዛ ባ ኣሾ ኦሶዛን ኢስቲ ኢታኔ ዬላቲዛይታ። 14 ኢስታስ ናጋራ ኦሶፔ ናጉቶንታ ኣሞቲዛ ኣይፌይ ዴሰ። ኢስታስ ናጋራ ኦሶ ሰቂዛ ኣሞቲሊ ኣይ ዋዳካ ሰሜና። ኣማኖን ቡሮ ሚኒ ኤቆንታ ኣሳታ ባሌሌቲሰ። ሚሻስ ጋጲጋጶቴሰ። ኢስቲ ቃንጌቲዳይታ። 15 ኢስቲ ሱሬ ኦጌዛ ኣጋጊዲ ቆይዳ። ኢታ ኦሶ ኦሊዳ ደሚዛ ሚሽ ሰቂዳ ቢዖሬ ና ባላዓሜ ኦጌ ቢዲ ባሌቲዳ። 16 ባላዓሜይ ጊዲኮ ባ ኦሊዳ ናጋራ ጊሽ ሴሬቲዳስ ሺን ሃሳያ ኤርንታ ሃሬያ ኣሳ ቃላን ኢዛስ ሃሳያዳ ሄ ናቤዛ ባላፔ ሴራ ዛራዲሰ።

17 ሄይቲ ሄ ኣሳቲ ሃሊ ባይንዳ ፑልቶታ። ጎቲ ጫርኮን ቢዛ ሻራ ማላ፤ ኢስታ ሳካና ቆማይ ናጌሰ። 18 ካሴ ባላ ጋርሳን ዲዛ ኣሳታ ጊዶፌ ኬሲ ኤኪ ዪዲ ዳሮ ጋሞፖንታ ኣሳታ። ጮ ማላ ሃዳ ጊዲዳ ኦቶሮ ቃላ ሃሳያን፣ ኣሾ ኣሞኒኔ ላይማን ባሌሌቲሰ። 19 “ኢንቴ ዋዜታና” ጊሹ ኢንቴሰ ኡፋይሰ ኢሜቲሰ። ያኔቲዳ ኣሲ ባና ያኒዳዳስ ኣይሌ ጊዲ ሃሬቲዛይሳሶ ኢስቲካ ባስ ናጋራስ ኣይሌ። 20 ኦ ጎዳኔ ኦና ኣሺዳ ዬሱሰ ኪርሰቶሳ ኤሪዲ ሃ ኣላሜዛ ቱናቲላፌ ኬሲ ኤኪዳፔ ጉዬ ቃሴካ ጉዬ ሰሚዲ ሄ ካሴ ቱናቲላን ያኔቲዲ ጌሊኮ ኢስታስ ካሴይሳፌ ጉዬይሲ ኣቶ ኢታ ጊዳና። 21 ኢስቲ ጂሎቲላ ኦጌ ሻኪ ኤሪዳፔ ጉዬ ኢስታስ ኢሜቲዳ ጌሻ ኣዛዘዛፔ ጉዬ ሰሚናፔ ኢስቲ ካሴ ሄ ጂሎቲላ ኦጌዛ ኤርንታ ኣጊዳኮ ኢስታስ ሎዖሺን። 22 “ካናይ ባ ጮዪዳ ጮሻ ማናስ ጉዬ ሰሜሰ” ሄሳሶካ “ጉዲንሊ ሜጤቲዲ ጉዬ ሰሚ ኡርቃን ጌንዳሬቲሰ” ጌቲቲዛ ቱሙ ለሚሶይ ኢስታ ቦላ ጋኪዳሰ። \*

### 3

ጎዳ ዬሱሰ ኪርሰቶሳስ ናሞዓንሶ ዩስ

\* 2:22 ለሞ 26:11

1 ታ ሲቆቶ! ታኒ ኢንቴስ ፃፊሺን ሃይሲ ናምዓንሉ ኪታ። ታኒ ኢንቴስ ናምዑ ኪታታካ ፃፊዳይ ሃይታ ሃ ዮጎታ ኣኩኪ ኤኪዲ ኢንቴ ሱሬ ቆፋ ቆገና ማላ ኢንቴና ቤጎላና ጋዳ። 2 ሃይሳፌ ካሴ ጌሻ ናቤቲ ዮቲዳ ቃላኔ ቃሰ ኢንቴ ሃዋሬታ ባጋራ ኢንቴ ዳሚዳ ኑ ጎዳኔ ኑና ኣሺዳይሳ ኣዛዞ ኢንቴ ዩሺ ቆገና ማላ ታ ኮያይሰ።

3 ሃራ ኡባፌ ካሴቲዲ ሃይሳ ዩሺ ቆገቲ። ወርሴላ ጋላሳታን ቁጲዛይቲኔ ባ ኢታ ኣሞ ካሊሺ ኣሳ ካጲዛይቲ ያና። \* 4 ኢሰቲ ቃሰ “ጎዳ ዩሱሲ ‘ያና’ ገዛ ሂደታይ ዮቲቲቤኔ? ሂሰቲን ኢዚ ኣዋን ዲዜ? ቤኒ ኑ ኣዋቲ ሃይቆሳፔ ሃ ሲሚን፣ ሃኒዛ ሚሺ ወሪካ ሜዴቶሳፔ ሃ ሲሚን ሂኮ ካሴ ባ ዲዛ ማላ ዴሰ” ጌቴሰ። 5 ሃይቲ ሄ ኣሳቲ ካሴ ዳሮ ዋዴፔ ካሴ ሳሎይ ያሳ ቃላን ሜዴቶይሳኔ ቢታይካ ሃላፊኔ ሃላን ዲዛይሳ ኤሪሽ ካዴቴሰ። \*

6 ሄ ዋዴ ዲዛ ኣላሜዚ ሃላን ሚቲቲ ጳዩዴሰ። \* 7 ሃሳሶካ ሃዒ ዲዛ ሳሎይኔ ቢታይ ናጋራንቻቲ ጳያና ዲዛ ፒርዳ ጋላሰ ጋካናሰ ታማሰ ገጊ ኡቲዳ።

8 ታ ሲቆቶ! ኢንቴ ጊዲኮ ጎዳ ኣቻን ኢሲ ጋላሲ ሺ ላይላ ማላ፣ ቃሴካ ሺ ላይላ ኢሲ ጋላሳ ማላ ጊዲዳይሳ ሃሳ ሄ ሃናዛ ባሎፕቲ። \* 9 ኢሲ ኢሲ ኣሳታሰ ሚሳቲዛ ማላ ጎዳይ ባ ዮቲዳ ሂደታ ቃላ ፖላናሰ ጋምዔናኮ ሺን ኣሲ ወሪካ ማሬታና ማላኔ ኣይ ኣሲካ ጳዮንታ ማላ ኮይዲ ኢዚ ኢንቴ ገሺ ታኩሰ።

10 ጎዳ ጋላሳይ ቃሴ ካይሶ ዩላ ማላ ቆፖንታ ዲሺን ጋኪ ዋጳና። ሄ ጋላሰ ሳሎቲ ገታ ገሪሳን ኣጳና። ሜዴቲላ ወሪካ ታማን ፀጌቲ ጳያና፤ ቢታይኔ ኢዛ ቦላ ዲዛዚ ወሪካ ፀጌታና።

\* 11 ሃሳ ገሺ ሃይቲ ወሪካ ሃሳሶ ጳያናዚ ጊዲኮ ሂሰቲን ኢንቴ ጌሻቲላን ያሳሰ ጎይኒሺ ዳናሰ ኢንቴሰ ዋኒ ቤሴኔ? 12 ሃሳ ገሺ ያሳ ጋላሳይ ያናይሳ ኢንቴ ላሞቲዛይታኔ ኢዚ ኤሌሊ ያና ማላ ኣሊዛይታ ጊዲቲ። ሄ ጋላሰ ሳሎይ ታማን ፀጌቲ ጳያና። ሜዴቲላቲካ ታማ ሴላን ሴራና። 13 ጊዶ ኣቲን ኑኒ ኢዚ ኑሰ ኢሚዳ ሂደታ ማላ ዒሎቲላ ኦሶይ ኦሴቲዛሶ ኦራላ ሳሎኔ ኦራላ ቢታ ናሰ። \* 14 ሃሳ ገሺ ታ ሲቆቶ! ሃሲ ወሪካ ሃናና ጋላሰ ኢንቴ ናገሺ ዲኮ ጎዳይ ኢንቴና ኢንቴ ቦላ ቦርይ ባይንዳ ዲሺን ሳርቲላን ዴማና ማላ ሚኒ ዲቲ። 15 ኑ ጎዳ ዳንዲያይ ኢንቴና

\* 3:3 ዩሁ 18 \* 3:5 ሜዴ 1:6-9 \* 3:6 ሜዴ 7:11 \* 3:8 ማዛ 90:4 \* 3:10 ማቶ 24:43፤ ሉቃ 12:39፤ 1ታሶ 5:2፤ ኣጁ 16:15 \* 3:13 ኢሳ 65:17፤ 66:22፤ ኣጁ 21:1

አሻናሰ ጊዲዳይሳ አንቴ ኤሪቴ። ኑ ሲቆ አሻ ጳውሎሲ ባሰ አሜቲዳ ኤሪቴላ ማላ ኢዚ አንቴሰ ፃፊዳይሲ ሃይሳ። <sup>16</sup> ኢዚ ሃይሳ ሃ ሃኖዛ ጊሽ ባ ኪታታን ኡባን ሃይሳሉካ ፃፊዳይሰ። ኢዛ ኪታታ ጊደን ኤሪናሰ ዋይሲዛ ኢሲ ኢሲ ሃኖቲ ዳቴሰ። ኤሪቴላ ኢሰታሰ ፓጪዳይቲኔ ናምዑ ቆፋን ዮቁ ጊዛይቲ ሃራ ጊሻ ማፃፋታ ሚርቁዛይሳሉካ ሃይታካ ኢሰቲ ሚርቃና። ኢሰቲ ሃሳሉ ኦሊዛይ ባሰ ጳያናሳ።

<sup>17</sup> ታ አሻቶ! አንቴ ቃሰ ሃሳ ካሴቲዲ ኤሪዳ ጊሽ ሃንኮ ማካላታ ባላ ጌደን ጎሼቲ ቢዲ ካሴ አንቴ ሚኒ ዲዛሶፔ ኩንደንታ ማላ ናጌቲቴ። <sup>18</sup> ሃሳፌ ቦላራ ኑ ጎዳኔ ኑ ጳሌ ዩሱሰ ከርሰቶሳ ኪያቴላኒኔ ኢዛ ሻኪ ኤሮን ፑዳ ዲጨቴ። ኢዛሰ ሃዒካ ሜርናሰካ ቦንቾይ ጊደ። አሚን።

**ኦሪሳ ጩቆ ማፃፋ ንሞሉ**

**New Testament in Gamo (ET:gmv:Gamo)**

copyright © 2011 Wycliffe Bible Translators, Inc.

Language: Gamo

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Gamo

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

---

PDF generated using Haiola and XeLaTeX on 11 Nov 2022 from source  
files dated 29 Jan 2022  
dffa0cbb-5f77-5875-bf95-f4176677af45